

大水而滅小火豈有不滅者乎臨其壽終迎其鬼神上生天上七寶宮殿無願不得若有不濟衆生之命穢濁盜竊姦犯他妻兩舌惡罵妄言綺語厭禱呪咀嫉妒恚癡逆道不孝違佛遠法謗比丘僧善惡友論有斯行者四王以聞帝釋及諸天僉然不悅善神不復營護之即今日月無光星宿失度風雨違時以現世人欲其改往修來洗心齋肅首過三尊四等養親忠于帝王慈心諫諍至誠無欺反前修來捐穢濁之操就清淨之道若有改邪行就正真者帝釋四王靡不歡喜日月即清明星宿有常風雨順時毒氣消歇天降甘露地出澤泉水穀滋味食之少病華色奕奕壽命益長生不更牢獄死得上天天上福德所願自然飛行存亡項有日光食自消化無有便利之患身中香潔口氣苾芬今日月星宿即諸天官宅也七寶殿堂懸處虛空在意所之壽終下生侯王之家顏華煥煥見者心歡

逢佛值法賢聖相連方行不與罪會必得涅槃斯皆五戒十善斂情攝欲六齋使然拘留秦佛時人壽六萬歲民性無為護彼猶養已平等無二彼佛去世正教衰薄民無正行以漸為惡其壽日減至于百歲吾善逝後民違佛教無復孝子司命減筭壽日有減天神不祐凶疫惡鬼日來侵害災怪首尾願與意違非禍縱橫生羅王法之圈圍死入地獄餓鬼畜生若出為人必為下賤善惡迫身猶若五穀隨其所種獲其果實亦如夜晝火滅字存竟六身死名滅殃福不朽慎護汝心攝身守口五戒十善可從得道吾今得佛積行所致諸弟子聞經歡喜作禮而去

佛說四天王經

佛說摩訶迦葉度貧母經

宋三藏法師求那跋陀羅譯

聞如是一時佛在舍衛國度於君民與除饉

音矣

四

衆善薩大士天龍鬼神世間人民無央數衆
會聽經是時摩訶迦葉獨行教化到王舍城
常行大哀福於衆生捨諸豪富而從貧乞摩
訶迦葉時欲分衛若其未行先三昧正受何
所貧人吾當福之即入王舍大城之中見一
孤母最甚貧困在於街巷大糞衆中傍鑿糞
聚以爲巖窟羸劣疾病常卧其中孤單伶仃
無有衣食便於巖窟施小籬以障五形迦葉
三昧知此人宿不植福是以今貧知母壽命
終日在近若吾不度永失福室母時饑困長
者青衣而棄米汁臭惡難言母從乞之即以
破瓦器盛著左右摩訶迦葉到其所呪願言
且多少施我可得大福尔時老母即說偈言
舉身得病疾 孤窮安可言 一國之最貧
衣食不蓋形 壽有不慈人 尚見矜愍憐
云何名慈哀 而不知此厄 普世之寒苦
無過我之身 願見哀矜憐 實不爲仁惜
摩訶迦葉即答偈言

竟六

五

佛爲三界尊 吾備在其中 發除汝飢貧
是故從貧乞 若能減身口 分銖以爲施
長夜得解脫 後生得豪富
爾時老母重說偈言
寶如仁所言 生世無功祚 今在糞窟中
不淨塗其身 飲食無分米 裸形而不覆
如今之極貧 施意與願違
摩訶迦葉重說偈言
母說處不悅 饑窮無以施 若其有施意
此則不爲貧 若復知慙羞 此則著法衣
如母此二事 衣食爲備足 壽有專愚人
俗衣寶穀多 無慚不念施 計後此大貧
惶荒設福德 可謂爲希有 信哉罪福衆
至誠不虛說
尔時老母聞偈歡喜心念前日有臭米汁欲
以施之則不可飲遙啓迦葉哀我受不摩訶
迦葉答言大善母即在窟廁匱取之形體裸
露不得持出側身僂體籬上授與迦葉受之

尊口呪願使蒙福安迦葉心念若吾賣去著餘處飲之者毋則不信謂吾棄之即於母前飲訖盪鉢還著布囊中於是老母特復真信迦葉自念當現神足令此母人必獲大安即沒入地更在虛空身出水火半身以上現其水出半身以下復現火出又復變化改易飛騰虛空從其東出沒於西方南北亦余時母人見此踊躍一心長跪遙視迦葉迦葉告曰母今意中所願何等出間豪富轉輪聖王及四天王釋梵諸天若復欲得須陀洹斯陀含阿那含阿羅漢辟支佛若復欲得阿耨多羅三藐三菩提阿惟三佛者悉可得果其願余時母人厭於世苦聞天堂上審爲快樂即啓迦葉願以微福得生天上於是迦葉忽然不現老母數日壽終即生第二忉利天上威德巍巍震動天地光明挺特譬如七日一時俱出照曜天宮釋提桓因即自驚憚何所人者福德感動將無此間有勝舌者即以天眼觀

竟六

六

此天女福德使然釋提桓因即偈問曰
一時俱出現 大光明照曜 譬如七大日
本修何福德 得來昇此天
是時天女答帝釋偈言
本在閻浮提糞窟不淨中 羸老兼疾病
衣食不充備 次有大弟子
說法我心歡 三千大千土 釋迦文佛尊
名摩訶迦葉 貢其臭米汁 哀矜從母乞
一心供福地 願欲生天上 施少獲願多
來生忉利天
余時天女即自念言此之福報緣其前世供養迦葉所致假令當以天上珍寶種種百千施上迦葉猶尚未報須臾之恩即將侍女持天香華忽然來下於虛空中散迦葉上然後來下五體投地禮畢却住又手歎曰
大千國土佛爲特尊 次有迦葉能開罪門
昔在閻浮糞窟之前 爲其貧母開說真言

時母歡喜 貢上米糲 施如林子 獻報如山
自致天女 封受自然 是故來下 歸命福田
天女說已 即與侍從俱還天上 然後帝釋心
念此女於閻浮提臭惡之中 以其米汁供養
迦葉乃致此福迦葉大哀但福劣家不及大
姓當作良策於閻浮提詣迦葉所興設福祐

竟六

七

釋提桓因即與天后持百味食盛小瓶中下
詣王舍大城巷邊作小陋屋變其形狀似于
老人身體消瘦僂行而步公妻二人而共織
席自現貧窮乞人之狀不儲飲食穀帛之具
摩訶迦葉後行分衛見此貧人而往乞食公
言至貧無有如何迦葉呪願良久不去公言
我等夫妻甚老織席不暇向乞少飯適欲食
之聞仁慈德但從貧乞欲以福之今雖窮困
意自割損以施賢者審如所云令吾得福天
食之香非世所聞若豫開瓶苾芬之香迦葉
覺之全不肯取即言道人弊食不多鉢來取
之迦葉鉢取受呪願施家其香普熏王舍大

城及其國界迦葉即嫌其香無量即便三昧
思惟其本方坐三昧公及母還復釋身迅疾
飛去空中彈指歡喜無量迦葉思惟即知帝
釋化作老公而爲此變欲增福祚吾今已受
不宜復還迦葉讚言善哉帝釋種福無厭忽
此醜類來下植福必獲影報帝釋及后倍復

欣踊是時天上妓樂來迎帝釋到宮倍益歡
喜佛告阿難此貧母人一切世間無能及者
惠雖微少福報甚多以其苦厄興至心故致
無量福福應之報釋提桓因天上自恣而捨
豪尊來下植福獲報難量是以如來說檀第
一閻浮提人愚癡可矜其如此比有少少耳
汝當廣宣如來真言佛說是時天龍鬼神四
輩弟子比丘僧興設大福而止達觀願及衆
生隨其志願皆得果報佛說經已一切衆會
莫不欣樂稽首作禮

佛說摩訶迦葉度貧母經

八

竟六

婦人遇辜經

畢
孤音
孩反
戶哀
軀丘俱
牧目離
恭下居
慄良吉
蹠知
利松音
鐘劇奇
逆裸形
上胡反
燒音
奴鳥反
哩

濺

上子

臥反

延天烏光

四天王經

漱
寢音
肅靖
上音宿
下靜
櫟櫧
又作櫟
上而羊
反獻壽
檢上林

操

七到亦

亦到亦

茲芬下

頻必反
煥于鬼
因固上

貧母經

除饊
鎮反鑿
分銖
上去聲
祚才故
惶黃
餉
主反盪
挺特
頂亭
憚瓊
季劍
築
責音
儲除
暇音
達嚙
近昌
反

畜
蒲音
支
築
楚音
築
反